



INTRODUCZIUN

DA SUR MARTIN BEARTH

Tgei rispundessen nus, ti ed jeu, sch'enzatgi dumandass nus: «Tgi ei in cristifideivel?» Cardinal John Henry Newman (†1890), in pionier arisguard il patertgar teologic da nies temps sur da pievel da Diu, laics e.a., el ha rispundiu alla sura damonda: «Cristifideivel ei in che spetga sin Cristus, buca sin gudogn, renum, divertiment e beinesser, mobein in che mira sil Salvader, il Segner Jesus Cristus.» En quest evangeli di Jesus, tgei ch'el spetga da ses adherents. El di dad esser veglionts, semtgai per sia vegnida, haver portas aviartas, cu el vegn e splunta. El di era, tgei ch'el manegia cul plaid «veglionts». Mintgin duei far «siu duer». Tgei ei nies duer? Era quei di Jesus: «Carezar Diu da tut cor ed il proxim sco sesez.» Buca mo bials plaids e teorias decidan, mobein oravontut ovras.

EVANGELI

Lc 12,32–48

- ³²Seigies senza tema, ti pintga muntanera, pertgei ei ha plaschiu a vies Bab da dar il reginavel a vus.
- ³³Vendei vies possess e dei ei per almosna. Procurei per buorsas che vegnan buca isadas, per in scazi che vegn buca dil meins, in scazi en tschiel, nua che laders pon buca vitier e mulauns san buca disfar.
- ³⁴Pertgei nua che vies scazi ei, leu ei era vies cor.
- ³⁵Veies la tschenta entuorn veta e las glischs envidadas. ³⁶Seigies sco carstgauns che spetgan lur patrun, cura ch'el tuorna dallas nozzas, per ch'ei sappien arver ad el, aschiprest ch'el vegn e splunta.
- ³⁷Beai quels fumegls ch'il patrun anfla veglionts, cura ch'el vegn! En ver Paid, jeu ditgel a vus: El vegn a metter si scussal, far semetter els a meisa, ir dad in tier l'auter e survir els. ³⁸Era sch'el vegn per la secunda ni tiarza ura da guardia ed anfla els aschia, beai ein els!
- ³⁹Ton saveies: Sch'il patrun-casa savess da tgei uras ch'il lader vegn, schass el buca rumper en el.
- ⁴⁰Seigies era vus preparai, pertgei il Fegl dil carstgaun vegn d'ina ura che vus maina smineis.
- ⁴¹Cheu ha Pieder detg: Segner, dias ti quella semeglia mo per nus ni per tuts? ⁴²Il Segner ha rispundiu: Tgi ei bein il fideivel e prudent fumegl ch'il patrun vegn a tschentar sur sia entira casada, per ch'el detti vivonda ad els a dretg temps? ⁴³Beaus il fumegl ch'il patrun anfla fagend siu duer, cura ch'el tuorna! ⁴⁴En ver Paid, jeu ditgel a vus: El vegn a tschentar el sur tut ses beins. ⁴⁵Mo sch'il fumegl di en siu cor: Miu patrun s'entarda, ed el entscheiva a dar fridas a fumegls e fumitgasas, a magliar e beiber e buedrar, ⁴⁶Iu vegn il patrun da quei fumegl in di ed in'ura ch'el ni spetga ni smina. El vegn a tagliar el en tocs e fierer el leu, nua ch'in malfideivel s'auda.
- ⁴⁷Quei fumegl ch'enconuscha la voluntad da siu patrun, mo prepara nuot e fa buca tenor sia voluntad, survegn bia fridas. ⁴⁸Quel denton ch'enconuscha buc ella e fa da quei che mereta fridas, survegn mo paucas. A tgi ch'ins ha dau bia, da quel vegn ei era pretendiu bia; a tgi ch'ins ha confidau bia, da quel vegn ei pretendiu aunc dapl.